



Mam lebsda m meng Wënd nengë, n da wa tall noang yãmb pugë ye, bala Wënde -A naam zëkame-, A yõka maam n maan A zaoa, wala A sën rık a [brahum n maan A zao wã

Yii a Gundub nengë -Wënd yard be a yĩnga- a yeelame: M wuma Nabiyaamã (Wënd puusg la A tılgı be a yĩnga), taoor t'a na pa maan kaalem ne rasema nu, t'a yetë: « Mam lebsda m meng Wënd nengë, n da wa tall noang yãmb pugë ye, bala Wënde -A naam zëkame-, A yõka maam n maan A zaoa, wala A sën rık a [brahum n maan A zao wã, la mam sã n da na n dık ned mam zãma wã pugë, m rag n dık a Abuu Bakr n maan zoa, la sën reng-b yãmb taorã b ra rıkda b Nabiyaam-dãmba la b nĩn-sõmb sã yaadã n maand miisa, bı yãmb ra rık yaadã n maan miisa ye, ad mam gıdgda yãmb n yi rëndã».

[Naşun Şahuhun (Gom-sikdem sën manege)] [A Muslim n togs-a]

Nabiyaamã (Wënd puusg la A tılgı be a yĩnga), a togsa a menga ziirã sën yaa soaba Wënd nengë -A naam zëkame-, la le togsdë t'a taa nonglemã dargε-rãmb tekë, wala a [brahum - tılgı be a yĩnga- sën paam-a wã, rë n kıt t'a tãdg ne a na tall noanga zëng sën pa Wënde; bala a sũurã pida ne Wënd nonglem la A zısgre la A minim, rënd sëk pa le be ne nin zëng tı pa Wënd ye, la a sã n da tara zoa bõn-naandsë wã na yı a Abuu Bakre -Wënd yard be a yĩnga-. Rë poorë t'a bugs tı b ra maan n zuug toag ning sën segd nonglemã pugë wã ye, wala Yahud-rãmbã la Nasaar-dãmbã sën maane b Nabiyaam-dãmba la b nin-sõmb sã yaadë wã, halı n wa maan-ba tı b lebg lagm-n-taar soab-dãmba tı b tũud-b tı pa Wënd ye, la b me b yaadë wã miisa la Tũudum roto, tı -Wënd puusg la A tılgı be a yĩnga- gıdg a poorë dãmbã, tı b ra wa maan wala b sën maana ye.

<https://sunnah.global/hadeeth/mos/show/3347>

